

সচরাচর করা প্রশ্নমালা ভোট

প্রাইমারী নির্বাচন কি?

একটি প্রাইমারী নির্বাচন অনুষ্ঠিত হয় যখন একটি দলের একাধিক প্রার্থী নমিনেশন চান এবং সফলভাবে ব্যালটে যাবার সকল ধাপ সম্পন্ন করে থাকেন। প্রাইমারী নির্বাচনে বিজয়ী প্রার্থী সেই দলের মনোনীত প্রার্থী হিসাবে নভেম্বরের সাধারণ নির্বাচনে প্রতিদ্বন্দ্বিতা করবেন। যদি একটি দলের কেবলমাত্র একজন প্রার্থী নমিনেশন চান, তবে সেই পদের কোন প্রাইমারী অনুষ্ঠিত হবে না।

আমি কি প্রাইমারী নির্বাচনে ভোট দিতে পারি?

আপনি যদি নিবন্ধিত ভোটার হিসাবে এমন কোনো দলে তালিকাভুক্ত হয়ে থাকেন (নির্দিষ্ট সময় সীমার মধ্যে) যে দল প্রাইমারী নির্বাচনের আয়োজন করছে, তাহলে আপনি প্রাইমারীতে ভোট দিতে পারবেন। স্টেট পার্টি নিয়মানুযায়ী নির্দিষ্ট প্রাইমারী নির্বাচনে অ-নিবন্ধিত ভোটাররাও ভোট দিতে পারবেন, BOE এর সাথে যোগাযোগ করে জেনে নিন আপনি ভোট দানের যোগ্য কিনা।

'রানঅফ' প্রাইমারী নির্বাচন কাকে বলে এবং তাতে কি আমি ভোট দিতে পারি?

সিটিব্যাপী পদের জন্য (মেয়র, পাবলিক অ্যাডভোকেট অথবা কম্পট্রোলার) যদি কোনো প্রার্থী প্রাইমারী নির্বাচনের সমগ্র ভোটের অন্তত ৪০% না পান, তাহলে সর্বাধিক ভোট প্রাপ্ত দুই জন প্রার্থীর মধ্যে একটি 'রানঅফ' প্রাইমারী নির্বাচন করা হয়। আপনি যদি প্রাইমারীতে ভোট দেয়ার যোগ্য হন, তাহলে যে দলে আপনি তালিকাভুক্ত তার যে কোনো রানঅফ প্রাইমারীতেও আপনার ভোট দেয়ার যোগ্যতা থাকবে।

সাধারণ নির্বাচন কি এবং আমি কি তাতে ভোট দিতে পারি?

সাধারণ নির্বাচনে বিভিন্ন দলের প্রার্থীগণ নির্বাচনী আসনে বিজয়ী হবার লক্ষে প্রতিদ্বন্দ্বিতা করেন। ব্যালটের প্রতিটি আসনে যে কোনো দলের যে কোনো প্রার্থীর পক্ষে আপনি ভোট দিতে পারেন। আপনি ব্যালট প্রস্তুতকরণে "হ্যাঁ" বা "না" সূচক ভোট দিতে পারেন। নির্দিষ্ট সময়ের মধ্যে যে সকল ভোটারগণ নিবন্ধিত হয়েছেন তাদের সাধারণ নির্বাচনে ভোট দেয়ার যোগ্যতা আছে।

বিশেষ নির্বাচন কি এবং আমি কি তাতে ভোট দিতে পারবো?

বিশেষ নির্বাচন হলো, যখন একটি অফিসের পদ নির্ধারিত মেয়াদপূর্ণের আগে শূন্য হয়ে যায়, যেমন, কোন নির্বাচিত প্রতিনিধি পদত্যাগ করেন বা অন্য অফিসের জন্য নির্বাচিত হন। এমনটি হলে, স্বল্প সময়ের মধ্যে মেয়াদ শেষ হওয়া পর্যন্ত আসনটি পূরণের জন্য একটি বিশেষ নির্বাচন ঘোষণা করা হয়।

যদি আপনি সময়সীমার মধ্যে ভোট দানের জন্য নিবন্ধিত হন এবং আপনি যে ডিসট্রিক্টে বাস করেন সেখানে বিশেষ নির্বাচন অনুষ্ঠিত হচ্ছে তবে আপনি বিশেষ নির্বাচনে ভোট দিতে পারবেন।

ব্যালট প্রস্তাবনা কি?

ব্যালট প্রস্তাবনা হলো, যখন ভোটারগণের সিদ্ধান্তের উপলক্ষে ব্যালটে একটা প্রশ্ন উত্থাপিত হয়। ব্যালটের প্রশ্নগুলো বন্ড ইস্যু অথবা নিউ ইয়র্ক স্টেট সংবিধানের প্রস্তাবিত সংশোধন অথবা নিউ ইয়র্ক সিটি চার্টারের সংশোধন সংক্রান্ত হতে পারে। কোনো কোনো ক্ষেত্রে জনৈক ব্যক্তি বা গোষ্ঠী ব্যালটে কোনো প্রশ্ন উত্থাপনের জন্য একটি পিটিশন জমা দিতে পারেন।

আমার নিবন্ধনের কি মেয়াদ উত্তীর্ণ হতে পারে?

আপনার নিবন্ধনের মেয়াদ উত্তীর্ণের কোন সময়সীমা নেই। তথাপি, আপনি যদি দুটি ফেডারেল নির্বাচনে ভোট না দিয়ে থাকেন বা আপনি আপনার ঠিকানা পরিবর্তন করেছেন এবং BOE কে আপনার নতুন ঠিকানার খবর জানান নাই, তাহলে আপনার নিবন্ধনটা “স্থগিত” হওয়ার সম্ভবনা আছে এবং আপনার ভোট কেন্দ্রের ভোটার তালিকায় হয়তো আপনার নাম না-ও থাকতে পারে। আপনি যদিও এফিডেভিট ব্যালটের মাধ্যমে ভোট দিতে পারবেন।

আমি যদি গতবার ভোট প্রদানের পর নিউ ইয়র্ক সিটির মধ্যে বাসা পরিবর্তন করে থাকি, তবে কি হবে? যখন আপনি ঠিকানা পরিবর্তন করেন, নিউ ইয়র্ক স্টেটের আইনানুযায়ী ২৫ দিনের মধ্যে আপনার BOE-কে পরিবর্তিত ঠিকানা জানাতে হবে। আপনি নতুন ভোটার নিবন্ধন ফর্মের “ভোট দানের যে তথ্য পরিবর্তন হয়েছে” বক্স সহ সকল তথ্য পূরণ করে জমা দিয়ে সেটা করতে পারেন। আপনার নতুন ও পুরাতন ঠিকানা লিখুন, যে দলের আপনি অন্তর্ভুক্ত হতে চান সে দলের বক্সে চিহ্নিত করুন (আপনি আপনার পুরাতন ঠিকানায় যদি কোনো একটি দলের সঙ্গে অন্তর্ভুক্ত ছিলেন, তাহলেও এটা চিহ্নিত করুন) এবং অন্যান্য প্রয়োজনীয় তথ্যাদি প্রদান করুন। যদি আপনি বাসা পরিবর্তন করেছেন কিন্তু সময়সীমার মধ্যে BOE নিকট ঠিকানা পরিবর্তন না করে থাকেন, তবে আপনি আপনার নতুন ভোট কেন্দ্রে গিয়ে অবশ্যই এফিডেভিট ব্যালটের মাধ্যমে ভোট দিবেন। আপনার পরিবর্তিত ঠিকানা সংযোজন হয়েছে কিনা তা 866-VOTE-NYC নাম্বারে ফোন করে জেনে নিন।

ভোট দেয়ার জন্য স্বাক্ষর করার সময় যদি আমার নাম তালিকায় না থাকে, তা হলে কি হবে?

প্রথমে নিশ্চিত করুন যে, আপনি ভোট দেয়ার জন্য আপনার অ্যাসেম্বলি ও নির্বাচনী ডিস্ট্রিক্ট এর সঠিক টেবিলে স্বাক্ষর করেছেন কি না। প্রতিটি নির্বাচনের আগে সকল নিবন্ধিত ভোটারগণকে CFB দ্বারা প্রেরিত ভোটার গাইডের মেইলিং লেবেলে এবং BOE-এর মেইলারে এই ডিস্ট্রিক্ট নম্বর ছাপানো থাকে। যদি আপনার সাহায্যের প্রয়োজন হয় তাহলে প্রতিটি নির্বাচন কেন্দ্রে একজন নির্বাচন কর্মীকে পাওয়া যাবে যে আপনার নাম ও ঠিকানা দিয়ে আপনি কোন ডিস্ট্রিক্ট এ বসবাস করেন তা বের করে দিতে পারবে অথবা BOE-এর ভোট কেন্দ্র লকেটরে দেখে নিতে পারেন।

যখন আপনি নিশ্চিত যে, আপনি সঠিক টেবিলে গিয়ে স্বাক্ষর করছেন, তার পরও আপনার নাম যদি নির্বাচনী তালিকায় না থাকে, কারণ এটা হতে পারে যে BOE আপনার নিবন্ধনের ফর্মটি পায়নি। আপনি যদি বিশ্বাস করেন যে, আপনি ভোট প্রদানে যোগ্য তাহলে আপনি ভোট দিতে পারবেন। কোন নির্বাচনী কর্মীকে অ্যাফিডেভিট ব্যালটের ব্যাপারে জিজ্ঞাসা করুন এবং নির্দেশগুলো মেনে চলুন। নির্বাচনের পর BOE তাদের রেকর্ড খতিয়ে দেখবে এবং আপনার যোগ্য থাকেন তবে আপনার ভোটটি গণনা করা হবে। যদি তা না হয় তবে আপনি একটি নোটিশ পাবেন যে আপনার ভোট দেয়ার যোগ্যতা ছিল না এবং পরবর্তী নির্বাচনে ভোট দেয়ার নিবন্ধন ফর্ম পাবেন।

ভোট দিতে আমি কোথায় যাব?

আপনি ভোট প্রদানের জন্য নিবন্ধিত হবার ২-৩ সপ্তাহের পরে ডাক যোগে আপনার ভোটার কার্ডটি পাবেন যেখানে আপনার ভোট কেন্দ্রের তথ্য থাকবে। নির্বাচন বোর্ডের ভোট কেন্দ্র লোকেটর ব্যবহার করেও আপনি জেনে নিতে পারেন।

নির্বাচনের দিনে আমার ভোট কেন্দ্রে আমি যদি যেতে না পারি?

যদি কাউন্টি বা নিউ ইয়র্ক সিটি নির্বাচনের দিনে, সাময়িক বা স্থায়ী অসুস্থতা অথবা শারীরিক অক্ষমতা, হাসপাতালে ভর্তি, এক বা একাধিক অসুস্থ বা অক্ষম ব্যক্তির প্রাথমিক পরিচর্যার কর্তব্যে নিয়োজিত, অথবা ভেটারেন অ্যাডমিনিস্ট্রেশন হসপিটালের নিরোধাগারে, জেল বা হাজত বাস, বিচারের অপেক্ষায় বা গ্র্যান্ড জুরি প্রক্রিয়াধিনে অথবা জেল শাস্তি ভোগ করছেন কোনো অপরাধে দোষী সাব্যস্ত হওয়ার কারণে বা অন্যায় কাজ যা গুরুতর অপরাধ যোগ্য নয়, এমন কোনো কারণে ভোট কেন্দ্রে না যাওয়া হয়, তবে আপনি অ্যাবসেন্টি ব্যালটের মাধ্যমে ভোট দিতে পারবেন।

অ্যাবসেন্টি ব্যালটের মাধ্যমে ভোট দেয়ার দুইটি উপায় আছে: সশরীরে অথবা ডাক যোগে।

- ডাক যোগে : 866-VOTE-NYC ফোন করে ব্যালট আবেদনের অনুরোধ পত্র অথবা BOE-এর ওয়েবসাইট থেকে ডাউনলোড করতে পারেন। আবেদনটি পূরণ করে আপনার BOE এর বোরো অফিসে নির্দিষ্ট সময়-সীমার মধ্যে পাঠিয়ে দিন। BOE আপানকে ডাক যোগে একটি অ্যাবসেন্টি ব্যালট পাঠাবে। তা পূরণ করে নির্দিষ্ট সময়-সীমার মধ্যে আপনি BOE এর বোরো অফিসে পাঠিয়ে দিন।
- সশরীরে: যখন থেকে ব্যালট হাতে আসে তখন থেকে অ্যাবসেন্টি ভোট দান শুরু হয় (অন্তত নির্বাচনের ৩২ দিন আগে) এবং শেষ হয় নির্বাচনের দিনে। এটি আপনার BOE বোরো অফিসে সোম থেকে শুক্র, এবং নির্বাচনী দিনের আগের সপ্তাহের ছুটির দিনে সকাল ৯ টা থেকে বিকেল ৫টা এবং নির্বাচনের দিনে রাত ৯টা পর্যন্ত পরিচালিত হয়।

বিশেষ দ্রষ্টব্য: আপনার যদি অ্যাবসেন্টি ব্যালট ডাক যোগে সংগ্রহ করার নির্দিষ্ট সময় সীমা পার হয়ে যায় এবং দুর্ঘটনা জনিত কারণে বা আকস্মিক অসুস্থতার কারণে নির্বাচনের দিনে আপনার নির্বাচনী কেন্দ্রে যেতে না পারেন তাহলে আপনি অনুমোদন পত্রসহ আপনার প্রতিনিধিকে আপনার পক্ষ থেকে

অ্যাবসেন্টি ব্যালট প্রদান করার জন্য BOE বোরো অফিসে পাঠাতে পারেন। BOE বোরো অফিসে নির্বাচনের দিনে রাত ৯ টার মধ্যে আপনাকে সম্পূর্ণ পূরণকৃত আবেদন এবং ব্যালট ফেরত দিতে হবে।

আমি নিশ্চিত না যে, এই নির্বাচনের ব্যালটে কি আছে – কোথা থেকে আমি জানতে পারি?

অনলাইনে www.nycfb.info/voterguide ভোটার গাইডে থেকে প্রার্থীদের ও ব্যালট প্রশ্নগুলোর সম্পর্কে জানতে পারবেন। একটি মুদ্রিত গাইড ডাক যোগে ভোটারদের নিকট প্রেরণ করা হয় যখন স্থানীয় অফিস (যেমন মেয়র এবং সিটি কাউন্সিল মেম্বার) বা সিটি ব্যালটের প্রশ্নমালা ব্যালটে থাকে।

আমি গুরুতর অপরাধে দোষী সাব্যস্ত হয়েছি, আমি কি ভোট দিতে পারবো?

আপনি যদি গুরুতর অপরাধে দোষী সাব্যস্ত হন, তবে আপনার কারাভোগ এবং/বা পরোল সম্পন্ন হওয়ার পর আপনি নিবন্ধিত হতে ও ভোট দিতে পারবেন। আরও তথ্যের জন্য ভোটার নিবন্ধনের সচারচর করা প্রশ্নমালা দেখুন।

বর্তমানে আমি গৃহহীন, আমি কি ভোট দিতে পারবো?

হ্যাঁ, যদি আপনি নিবন্ধিত থাকেন। আরও তথ্যের জন্য, ভোটার নিবন্ধনের সচারচর করা প্রশ্নমালা দেখুন।

ভোট দানের সময় আমার কি পরিচয়পত্র দেখাতে হবে?

অধিকাংশ ক্ষেত্রে ভোট দানের সময় আপনাকে পরিচয়পত্র দেখাতে হবে না। আপনি যদি প্রথমবারের মত ভোট দিতে যান, তবে হয়তো প্রমানের জন্য আপনাকে ছবিসহ পরিচয়পত্র দেখাতে হতে পারে।

আমি একজন নিবন্ধিত ভোটার কিন্তু আমার ভোট কেন্দ্রের ভোটার তালিকায় আমার নাম নেই- আমি কি ভোট দিতে পারবো?

হ্যাঁ। আপনি যদি সঠিক ভোট কেন্দ্রে যান কিন্তু আপনার নাম তালিকায় নেই, তবে আপনি এফিডেফিট ব্যালটের মাধ্যমে ভোট দিতে পারেন। নির্বাচনী কর্মীদের কাছে এফিডেফিট ব্যালট চাওয়ার পূর্বে আপনার উচিত যে ভোট কেন্দ্র লোকেটরটি ভাল করে যাচাই বাছাই করে নিশ্চিত হন যে, আপনি সঠিক কেন্দ্রেই এসেছেন। নির্বাচনের পরে BOE যাচাই করে দেখবে যে, আপনার ভোটটি গণ্য হবে কিনা এবং পরবর্তীতে আপনি ভোট প্রদানের যোগ্য থাকবেন কিনা। আর যদি না হয়, তবে আপনি একটি নিবন্ধন ফর্মসহ নোটিশ পাবেন যে, ভোট প্রদানে আপনি যোগ্য ছিলেন না এবং আগামী নির্বাচনের জন্য নিবন্ধন করতে পারেন।

সচরাচর করা প্রশ্নমালা ভোটার নিবন্ধন

কিভাবে আমি ভোটারের জন্য নিবন্ধিত হবো?

ভোটার নিবন্ধনের ফর্ম পূরণ করে সরাসরি বা ডাক যোগে NYC বোর্ড অফ ইলেকশন-এ (BOE) দাখিল করতে পারেন। আপনি ওয়েবসাইড www.nycffb.info থেকে নিবন্ধনের ফর্ম নামাতে পারেন, আপনার স্থানীয় BOE অফিস থেকে সংগ্রহ করতে পারেন, অনেক NYC এজেন্সির গ্রাহক সেবা কেন্দ্র থেকে বা 866-VOTE-NYC (212-487-5496 শ্রবণ প্রতিবন্ধীদের জন্য) নম্বরে ফোন করে ডাক যোগে পাঠানোর জন্য অনুরোধ করতে পারেন। আপনি অনলাইনেও নিবন্ধন করতে পারেন (নিম্নে দেখুন)। আপনি যে নির্বাচনে ভোট দিতে চান তার ২৫ দিন পূর্বের তারিখযুক্ত ডাকঘরের মোহর বা সশরীরে সরাসরি নিবন্ধন ফর্ম জমা দেয়াই হলো নিবন্ধন হওয়ার শেষ সময়সীমা।

আমি কি অনলাইনে ভোটারের জন্য নিবন্ধন করতে পারি?

অনলাইনে DMV-র মাধ্যমে ভোটার নিবন্ধন করা যায়, কিন্তু এজন্য একটি নিউ ইয়র্ক স্টেট-এর বৈধ আইডি ও আপনার সোশ্যাল সিকিউরিটি নম্বর প্রয়োজন। অনলাইনে নিবন্ধন এবং প্রোফাইল বানানোর জন্য DMV-র ওয়েবসাইটটি দেখুন: <http://dmv.ny.gov/more-info/electronic-voter-registration-application>।

আমি জানি না যে, আমি ভোটারের জন্য নিবন্ধিত কিনা- কিভাবে জানতে পারবো?

আপনার রেজিস্ট্রেশন অনলাইনে দেখার জন্য ভোটার রেজিস্ট্রেশন লুক-আপ (<http://voterlookup.elections.state.ny.us>) ব্যবহার করুন বা সহযোগিতার জন্য ফোন করুন 866-VOTE-NYC (শ্রবণ প্রতিবন্ধীদের জন্য 212-487-5496)।

আমার নিবন্ধনের কি মেয়াদ উত্তীর্ণ হতে পারে?

আপনার রেজিস্ট্রেশনের কোন মেয়াদ উত্তীর্ণের তারিখ নেই, কিন্তু তা নিষ্ক্রিয় হয়ে যেতে পারে, যদি আপনি বিগত দুটি ফেডারেল নির্বাচনে ভোট না দেন, বা আপনি ঠিকানা পরিবর্তন করেছেন এবং BOE তে আপনার নতুন ঠিকানা জানান নাই।

আমি যদি গতবার ভোট প্রদানের পর নিউ ইয়র্ক সিটির মধ্যে বাসা পরিবর্তন করে থাকি, তবে কি হবে? যখন আপনি ঠিকানা পরিবর্তন করেন, নিউ ইয়র্ক স্টেটের আইনানুযায়ী ২৫ দিনের মধ্যে আপনার পরিবর্তিত ঠিকানা BOE-কে জানাতে হবে। নতুন ভোটার নিবন্ধন ফর্মের “ভোট দানের যে তথ্য পরিবর্তন হয়েছে” বক্স সহ সকল তথ্য পূরণ করে জমা দিয়ে আপনি তা করতে পারেন। আপনার নতুন ও পুরাতন ঠিকানা লিখুন, যে দলে আপনি অন্তর্ভুক্ত হতে চান সে দলের বক্স চিহ্নিত করুন (আপনার

পুরাতন ঠিকানায় যদি কোনো একটি দলের সঙ্গে অন্তর্ভুক্ত ছিলেন, তাহলেও এটা চিহ্নিত করুন) এবং অন্যান্য প্রয়োজনীয় তথ্যাদি প্রদান করুন। যদি আপনি বাসা পরিবর্তন করেছেন কিন্তু সময়সীমার মধ্যে BOE নিকট ঠিকানা পরিবর্তন না করে থাকেন, তবে আপনি অবশ্যই আপনার **নতুন** ভোট কেন্দ্রে গিয়ে এফিডেফিট ব্যালটের মাধ্যমে ভোট দিতে পারবেন। আপনার পরিবর্তিত ঠিকানার সংযোজন হয়েছে কিনা তা 866-VOTE-NYC নাম্বার-এ ফোন করে জেনে নিন।

বর্তমানে আমি গৃহহীন, আমি কি ভোটার নিবন্ধন করতে ও ভোট দিতে পারবো?

হ্যাঁ, আপনার ভোটার হিসাবে নিবন্ধন ও ভোট দানের অধিকার আছে। একটি ভোটার নিবন্ধন ফর্ম পূরণ করুন এবং কোথায় আপনাকে পাওয়া যাবে তা উল্লেখ করুন, যেমন “সেন্ট্রাল পার্কের ৮৬ স্ট্রিটের বেঞ্চে” যে ঠিকানায় আপনি থাকেন। এই ঠিকানার উপর ভিত্তি করে আপনাকে একটি ভোট কেন্দ্র প্রদান করা হবে। আপনি যে ঠিকানায় চিঠিপত্র পেয়ে থাকেন, আশ্রয়কেন্দ্রের, পি ও বক্স বা পরিবারের সদস্যের ঠিকানা লিখুন। আপনার ভোটার কার্ডটি ঐ ঠিকানায় পাঠিয়ে দেয়া হবে।

গুরুতর অপরাধে দোষী সাব্যস্ত হলে কি আমার ভোটার নিবন্ধন ও ভোট দান অধিকারের প্রভাব পরবে?

যদি আপনি একটি গুরুতর অপরাধের জন্য অপরাধী সাব্যস্ত হন তবে হয়তো নিবন্ধন করতে বা ভোট দিতে পারবেন **না**:

- আপনি বর্তমানে কারাবন্দী আছেন; বা
- আপনি পরোলের তত্ত্বাবধানের আওতায় আছেন।
আপনি হয়তো নিবন্ধন বা ভোট দিতে পারবেন, যদি আপনি একটি গুরুতর অপরাধে দোষী সাব্যস্ত হন:
- আপনি প্রবেশনে দণ্ডিত হয়ে ছিলেন;
- আপনাকে কারাদণ্ডে দণ্ডিত করা হয় নাই বা আপনার কারাদণ্ড স্থগিত করা হয়েছিল;
- আপনি আপনার কারাদণ্ড বেশিভাগ ভোগ করে ফেলেছেন, সেই ক্ষেত্রে আপনি আবার ভোটার হিসাবে নিবন্ধিত হতে পারেন;
- আপনি পরোলে ছিলেন অতঃপর অব্যাহতি পেয়েছেন, এমনতাবস্থায় আপনি ভোটের জন্য পুনঃ-নিবন্ধন হতে পারবেন; বা
- আপনার সাজা মার্জনা হয়ে যায়।

অপকর্মের জন্য দোষী সাব্যস্ত হলে কি আমার ভোটার নিবন্ধন ও ভোট দানের অধিকারে প্রভাব পরবে? আপনি কারাগার থেকেও নিবন্ধন ও ভোট দিতে পারেন, যদি আপনি কেবলমাত্র একটি অপকর্মের জন্য দোষী সাব্যস্ত হন। আপনি নিউ ইয়র্ক স্টেটের, অন্য স্টেটের কোন কোর্টে বা একটি ফেডারেল কোর্টে সাজাপ্রাপ্ত হলেও ,একই নিয়ম প্রযোজ্য হবে। ভোটার নিবন্ধন ও ভোট দানের জন্য আপনাকে আপনার অপরাধের কোন নথি প্রদান করতে হবে না।